

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होर अज्ज दऊं दिनें दे कुवैत दौरे पर जा'रदे न।
- केन्द्री खजाना मंत्री निर्मला सीतारमण होर अज्ज जैसलमेर च जीएसटी काउंसल दी 44मीं बैठक दी सदरत करगंन। जम्मू कश्मीर दे मुखमंत्री उमर अब्दुल्ला बी बैठका च शामिल होंगन।
- अज्ज पैहला पैहला "विश्व ध्यान" दिवस मनाया जा'रदा ऐ।
- जम्मू कश्मीर सैलसफा विभाग नै पत्नीटॉप, भद्रवाह ते सनासर च नमें ब'रे दे समारोह मनाने दा कार्यक्रम जारी कीता ऐ।
- मौसम विभाग नै अगले 5एं दिनें दरान पूरे जम्मू कश्मीर च बड़ी मती ठंड पौने दी पेशगोई कीती ऐ। कश्मीर घाटी चिल्ले-कलां अज्जै थमां शुरू।

<><><><><><>

PM Kuwait Visit

प्रधानमंत्री नरेन्द्र मोदी होर 2 दिन दी यात्रा पर अज्ज कुवैत जांगन। प्रधानमंत्री हुंदी एह यात्रा कुवैत दे अमीर शेख मेशाल अल तबर अल सबाह हुंदे साददे पर होआ'रदी ऐ। इस दरान ओह कुवैत दे नेताएं कन्नै गल्लबात करगंन। मोदी होर इक कार्यक्रम च भारतीय समुदाय दे लोकें कन्नै बी गल्लबात करगंन। ओह इक श्रम शिविर च बी जांगन। ओह कुवैत दे अमीर दे खास मेहमान दे तौर पर 26में अरेबियन खाड़ी कप दे उद्घाटन समारोह च शामिल होंगन। प्रधानमंत्री होरें गी बायन पैलेस च गॉर्ड ऑफ ऑनर दित्ता जाग। एहदे मगरा ओह कुवैत दे अमीर ते क्राउन प्रिंस हुंदे कन्नै प्रतिनिधि मंडलें सतह दी गल्लबात करगंन। पिछले 43एं ब'रें चकुसै भारतीय प्रधानमंत्री दी कुवैत दी एह यात्रा होग। कुवैत इसले खाड़ी सैहयोग परिषद दा अध्यक्ष ऐ ते प्रधानमंत्री हुंदी इस यात्रा कन्नै दौनें मुल्ले दे छड़े दपकखी सरबंध गै मजबूत नेई होंगन सगुआं खाड़ी क्षेत्र कन्नै भारत दे सरबंध होर बी बधगंन।

<><><><><><>

GST

माल समेयान ते सेवाएं सरबंधी टैक्स जीएसटी परिषद दी 55मीं बैठक अज्ज राजस्थान दे जैसलमेर च होग, जेहदी अध्यक्षता केन्द्री खजाना मंत्री निर्मला सीतारमण होर करगंन। इस बैठका च जीएसटी सरबंधी मुद्दे पर चर्चा होग जेहदे च गोवा, हरियाणा, जम्मू कश्मीर, बिहार, राजस्थान सनें केई राज्ये ते केन्द्र शासत प्रदेशे दे मुखमन्त्री ते उपमुखमन्त्री हिस्सा लैंगन। तोआई खजाना मंत्री होरे कल संजा बक्ख-बक्ख राज्ये ते केन्द्र शासत प्रदेशे दे खजाना मंत्रिए कन्ने जैसलमेर च गै इक बैठक लाइयै 2025-26 बरे दे केन्द्री बजट दे सरबन्धै च उंदे नै सलाह सूत्र कीता। बैठक च जम्मू कश्मीर, गोवा, हरियाणा, मेघालय, राजस्थान ते मध्यप्रदेश दे मुखमन्त्री बी मजूद हे जिनें इस बारे अपने सुझाह बी दित्ते।

<><><><><><>

Add GST

अज्ज लगने आले बैठक बारे गल्ल करदे होई मुखमन्त्री उमर अब्दुल्ला होरे आखेआ जे केन्द्री खजाना मंत्री हुंदे कन्ने एह बैठक जम्मू कश्मीर दे बपारिए, कारोबारिए, दस्कारे ते कारीगिरे दिएं दिक्कते जरूरते गी उजागर करने दा शानदार मौका ऐ ते मेद ऐ जे जम्मू कश्मीर दिएं माली चिंताएं गी दूर करने लेई एहदे पूरे पराते विकास गी जकीनी बनाने लेई औंदे बजट च ते कन्ने जीएसटी बवस्था च जरूर किश ना किश कीता जाग।

<><><><><><>

DC Rajouri-Exam

राजौरी दे डिप्टी कमीशनर अभिषेक शर्मा होरे जेकेएसएसबी आस्सेआ कल करोआई जाने आली पुलस मैह्कमे च रियासी(फोटोग्राफर) दी भर्थी लेई ओएमआर मतेयान लेई सब्बने तैआरिए दा जायजा लैता। बैठक दा मकसद जेकेएसएसबी आस्सेआ दित्ते गेदे दिशा निर्देशे मताबक मतेयान गी बवसिथत ढंगै करोआना जकीनी बनाना हा। डीसी होरे सब्बने मुत्तलका धड़ेंग ी हिदायत दित्ती जे ओह मतेयान प्रक्रिया गी बिजन कुसै रुकावट दे करोआना जकीनी बनाने लेईकिट्ठे रलियै कम्म करन तां जे मेदवार गी कुसै चाल्ली दी कोई परेशानी दा सामना नेई करना पवै।

<><><><><><>

DC Doda

निक्के ताप आली बमारी टीबी दी रोकथाम लेई डिप्टी कमीशनर डोडा हरविंदर सिंह होरें कल बड्डे गी लाए जाने आले बीसीजी टीका कार्यक्रम दी शुरूआत सरकारी मैडिकल कालेज दे सहायक अस्पताल दे ओपीडी परिसर च कीती। इस कार्यक्रम दा आयोजन टीबी बमारी दी रोकथाम सरबंधी कार्यक्रम नैशनल ट्यूबर कलोसर इलीमिनेशन प्रोग्राम तैहत जिला सेहत सोसायटी आस्सेआ कीता गेआ। इस कार्यक्रम दरान टीबी थमां प्रभावत 300 मरीजें गी इलाज मुआलजा दित्ता गेआ। एह गैंह जिले च सब्बने गी सेहत सुविधा उपलब्ध करोआने दी प्रशासन दी प्रतिबद्धता गी दर्शादी ऐ।

<><><><><><>

Minister Satish

युवा सेवाएं ते खेड्डें सरबंधी मंत्री सतीश शर्मा होरें कल जम्मू कश्मीर भारत स्काउट्स एंड गाइड्स दे प्रधान दे तौरा पर अपना औहदा साम्भेआ। इस मौके भारत एकाउट्स एंड गाइड्स दे राष्ट्रीय आयुक्त, विंग कमांडर एम.एम.जोशी बी मजूद हे। इस कार्यक्रम च जम्मू कश्मीर भारत स्काउट्स एंड गाइड्स दे प्रमुख प्रदेश कमीशनर आर.एस.तारा साबका स्टेट कमीशनर आई.डी.सोनी, सिखलाई कमीशनर आर.पी.कोतवाल बी मजूद रेह। जम्मू कश्मीर भारत स्काउट्स एंड गाइड्स नै इस मौके मंत्री होरें गी नमें प्रधान दे तौरा पर संबोधत बी कीता।

<><><><><><>

World Meditation Day

अज्ज पैहला पैहला विश्व ध्यान दिवस मनाया जा'रदा ऐ। संयुक्त राष्ट्र नै 29 नवम्बर 2024 गी अपनी महासभा आस्सेआ पास कीते गेदे प्रस्ताह च 21 दिसम्बर गी विश्व ध्यान दिवस मनाने दा फैसला लैता हा। "ध्यान लाने ते एहदे फायदे बारे दुनिया भरै च जागरूकता बधाने लेई, भारत ते किश होर मुख्य दे सुझाह पर एह फैसला लैता गेआ ऐ। एहदा मकसद दुनिया गी शारीरिक ते मानसिक सेहत ते जीवन भर तंदरुस्त रौहने लेई नियमित तौरा पर ध्यान लाने लेई प्रेरत ते जागरूक करना ऐ। संयुक्त राष्ट्र आस्सेआ लैते गेदे इस फैसले कन्नै ना छड़ा दुनिया भरै च शारीरिक ते मानसिक तंदरुस्ती हासल करने बक्खी लोकें दा रुझाण बधोग, सगुआं दुनिया गी दरपेश चुनौतिएं, जियां जे हिंसा, तनाव ते समाजी मतभेद बगैरा कन्नै निबड़ने च बी मदद थ्होग।

<><><><><><>

Tourism Deptt New Year

जम्मू कश्मीर सैलसफा मैहकमे नै पत्नीटॉप, भद्रवाह ते सनासर च नमां साल मनाने दे जश्न बारे जानकारी दिक्ती। इस क्षेत्र दी समृद्ध सांस्कृतिक विरासत ते मनै गी मोही लैने आले नजारे गी उजागर करने लेई कीते गेदे इस आयोजन दा मकसद सैलानिएं गी कदे बी नेई भूलने आला अनुभव करना होग। भद्रवाह च जिला प्रशासन डोडा ते भद्रवाह विकास प्राधिकरण दे सैहयोग कन्नै 29 थमां 31 दिसम्बर तगर उत्सव मनाए जांगन। एह्दे च भद्रवाह किले गी रोशनिएं कन्नै रोशन करना। सांस्कृतिक ते खित्ते दी सगोसार संस्कृति गी उजागर करने सरबंधी प्रदर्शनियां ते खाने पीने आली चीजें दे स्टाल शामिल न। एह्दे अलावा गुलडंडा च रोमाचक गतिविधियां जिआं जे स्कींग, स्लेजिंग, जोरबिंग स्नो साइलिंग, हॉट एयर बेलून बगैरा बी शामिल न। इनें उत्सवें दा समापन भद्रवाह बस अड्डे पर सांस्कृतिक प्रदर्शनिएं कन्नै होग। पत्नीटॉप ते सनासर, उधमपुर ते रामबन दे जिला प्रशासन ते पत्नीटॉप विकास प्राधिकरण कन्नै रलियै 31 दिसम्बर गी कार्यक्रम दी मेजबानी करंगन। सनासर च डीजे संगीत, घोड़ें दी द्रौड़ ते नजारे आले सैल्फी स्टेशन दी पेशकश कीती जाग। एह्दे अलावा सयाल दिएं खेड्डें कन्नै ते बर्फू कन्नै ढकै दे नजारे कन्नै सैलानिएं दे अनुभव ते खुशी च होर मता बाद्धा होग।

<><><><><><>

DC Poonch

पुंछ दे डिप्टी कमीशनर विकास कुंडल होरें कल नमें मिनी सचिवालय परिसर दा व्यापक निरीक्षण कीता तां जे कम्में दा जायजा लैता जाई सकै। इस मती जरूरी सुविधा दा मकसद मकामी लोकें गी सेवाएं देने दी समर्थ च बाद्धा करना ऐ। डीसी विकास कुंडल होरें आखेआ जे केइं सारे सरकारी मैहकमे दे दफतरें लेई मिनी सचिवालय दी स्थापना कन्नै एह् जकीनी बनाया जाग जे मकामी लोकें सब्बने सेवाएं दा लाह इक्कै थाहर ठोआई सकंगन। एह्दे कन्नै शासन च मता सुधार होग ते जमीनी स्तर पर सेवा उपलब्ध करोआने च बी बाक्का होग। इस दरान डीसी होरें सब्बने मुत्तलका अजेंसिएं गी आखेआ जे ओह् इस परियोजना पर बाकी दे कम्में गी पूरा करने च तेजी आनन।

<><><><><><>

Softball

जम्मू कश्मीर दे युवा सेवाएं ते खड्ड मंत्री सतीश शर्मा होरें कल जम्मू दे एम.ए.स्टेडियम च 37में ओपन सब जूनियर नैशनल साफ्ट बॉल चैंपियनशिप दी घोषणा कीती। अइस प्रतियोगिता च 24 राज्यें थमां 38 टीमें हिस्सा लैता ऐ। जेह्दे च 1 जहार शा मते खडारी ते तकनीकी अधिकारी हिस्सा लै करदे न। इस कार्यक्रम दा आयोजन जेएंडके साफ्ट बॉल एसोसिएशन आस्सेआ जेएंडके स्पोर्ट्स काउंसल दे सैहयोग कन्नै साफ्ट बॉल एसोसिएशन ऑफ इंडिया दी अगुवाई च कीता जा'रदा ऐ।

कार्यक्रम च बोलदे होई मंत्री होरें आखेआ जे जम्मू कश्मीर च ऐसी बड्डी प्रतियोगिता दा आयोजन ते मेजबानी करना बड़े मानै आली गल्ल ऐ। उनें खडारिणं ते अधिकारिणं गी बघाई दित्ती ते जम्मू कश्मीर गी खेड्डें दी उत्कृष्टता दा केन्द्र बनाने लेई सरकार दी प्रतिबद्धता गी फही पक्का कीता।

<><><><><><>

Bicycle Man

भारत दे बाय—साइकल पुरुष दे नां कन्नै जान्ने जाने आले नीरज कुमार प्रजापति होर रियासी जिले दे 3 दिनें दे दासैर पर न। एह दौरा उंदी बागवानी सरबंधी विकास कार्यक्रम गी बढ़ावा देने लेई जम्मू खित्ते च 11 सौ किलोमीटर यात्रा दा इक हिस्सा ऐ। एह पैहलकदमी 11 दिसम्बर गी शुरू होई ही जेहदा मकसद करसानें गी बागवानी नमीं तकनीक दा इस्तेमाल करियै उनेंगी सशक्त बनाना ऐ ते उंदी आमदनी च बाद्धा करना ऐ। अपनी यात्रा दरान प्रजापति होरें जिला विकास कमीशनर निधि मलिक हुंदे कन्नै मलाटी कीती ते एचएडीपी सरबंधी परियोजनाएं दा करसानें दे जीवन उप्पर असर बारे व्यापक गल्लबात कीती।

<><><><><><>

IMD

भारतीय मौसम विभाग नै ओंदे 5एं दिनें दरान समूलचे जम्मू कश्मीर ते हिमाचल प्रदेश च जबरदस्त ठंडू दा प्रकोप जारी रौहने दी पेशगोई कीती ऐ। एहदे इलावा पंजाब ते राजस्थान च बी सुक्की ठंड जारी रौहने दे आसार दस्से गे न। तोआई कश्मीर घाटी च बड़ी मती ठंड दा 40एं दिनें दा दौर जिसी चिल्ले—कलां आखेआ जंदा जंदी रातीं दा शुरू होई गेदा ऐ। इस आसे दरान सयाले दी सब्बने दा मती बर्फबारी होंदी ऐ। इस अवधि दा सब्बने शा मती ठंडू आला अरसा 21 दिसम्बर कोला 31 जनवरी तोड़ी रौहदा ऐ, जेहदे बाद 20 दिनें तोड़ी चिल्ले—खुद 31 जनवरी कोला 10 फरवरी तोड़ी चलदा ऐ ते ओहदे मगरा 20 फरवरी कोला लेइयै 2 मार्च तोड़ी दे अरसे गी चिल्ले—बच्चा आखेआ जंदा ऐ जेहदे कन्नै गै चिल्ले—कला दा दौर खत्म होई जंदा ऐ। चिल्ले—कला फारसी दा शब्द ऐ जेहदा मतलब होंदा ऐ “बड्डी ठंड”।

<><><><><><>